

136

III.

Swenne aber ein teil ist pleuar. so bezeichent er ein geswer in der siten. Swenne der harn mæzlichen dvnne ist. so bezeichet er zwo tercian. vñ daz diu materie vnverdevt si. Swenne er mæzzichlichen dicke ist. vñ ein teil pleuar. so bezeichent er den mittern enuricev. vñ daz diu materie vnverdevt si. Der mittern enuricev ist zwei vieber einel von dem fleumate daz vzerhalbe der ader ist. daz ander von der colera. diu innerhalbe der ader ist. den selben enuricevm bezeichent der selbe harn swenne er mæzzichlichen dvnne ist vñ niht pleuar ist.

Harn der der varbe ein har. vñ gærliche dvnne ist. vñ siwer var ist. vñ oben gelt har. bezeichent ein svhte diu hezzet cavson. Swenne der selbe harn gærliche dicke ist. vñ niht siwer var. so bezeichet er ein svhte diu hezzet synocha pverida. So der selbe harn mæzlichen dicke ist. so bezeichent er ein svhte. diu hezzet cavson tel. So der selbe harn mæzlichen dicke ist.